

1481. Győr, dec. 15. Temesvári Balázs bodonyi (viddini) püspök és győri püspöki helynök bizonyítványa arról, hogy Szilvágyi Miklós fia Máté a diakóni rendet felvette.

Nos Blasius de Themeswar etc. dei et apostolice sedis gracia episcopus Bodoniensis et vicarius in pontificalibus ecclesie Jauriensis memorie commendamus tenore presencium significantes, quibus expedit, universis, quod cum nos in anno domini M^o CCCC^o LXXXI, quo cantatur divinum officium Venite adoremus (szept. 15.) in ecclesia kathedrali Jauriensi prefata sacros clericorum ordines generaliter celebrassemus, inter alios promovendos dilectum nobis in Christo discretum Matheum, natum Nicolai Zylwagh, nostre dyocesis per examinatores per nos ad id specialiter deputatos diligenter examinatum in sciencia, etate et moribus idoneum et sufficientem repertum iuxta ritum sancte matris ecclesie de ordine acolitatus ad ordinem subdyaconatus, deinde iterum in eodem anno sabbato, quo cantatur divinum officium Veni et ostende ad ordinem dyaconatus digne duximus promovendum divina nobis gracia suffragante. In cuius rei memoriam et firmitatem presentes litteras nostras sigilli nostri anularis appensione communitas prefato Matheo duximus concedendas. Datum et actum anno, die et loco, quibus supra.

Jelzése: Dl. 2265.

Kissé rongált hártya, melyről lefüggő pecsét azonban elveszett. Ez oklevelet 1921-ben Thier László ajándékozta a levéltárnak a Kollár-féle iratok közül.